

Ymgynghoriad ar y canllawiau ar gig wedi'i wahanu'n fecanyddol (MSM)

Statws: Wedi dod i ben

Dyddiad lansio: 28 Chwefror 2024

Dyddiad cau: 22 Mai 2024

Crynodeb o'r ymatebion

[Crynodeb o ymatebion rhanddeiliaid i'r ymgynghoriad MSM.](#)

I bwy y bydd yr ymgynghoriad hwn o ddiddordeb yn bennaf?

- Gweithredwyr busnesau bwyd sy'n defnyddio offer mecanyddol i wahanu cig yn ystod eu prosesau cynhyrchu; a'r rhai sy'n defnyddio MSM fel cynhwysyn
- Swyddogion Gorfodi Cyfraith Bwyd
- Cyrff masnach y diwydiant cig
- Defnyddwyr

Pwnc yr ymgynghoriad

Mae'r Asiantaeth Safonau Bwyd (ASB) yn ceisio adborth mewn perthynas â chanllawiau newydd ar MSM. Nod y canllawiau yw rhoi cymorth i weithredwyr busnesau bwyd, yn dilyn dyfarniadau'r Llys sy'n egluro sut y dylid dehongli a chymhwyso'r diffiniad o gig wedi'i wahanu'n fecanyddol (MSM).

Diben yr ymgynghoriad

Ceisir adborth o'r ymgynghoriad yn benodol ar y canlynol:

- pa mor effeithiol yw'r [ddogfen ganllaw ar MSM](#) (Saesneg yn unig) o ran darparu cefnogaeth yn sgil dyfarniadau'r Llys
- yr effeithiau wrth i weithredwyr busnesau bwyd addasu eu gweithgareddau a'u gweithrediadau yn unol â dyfarniadau'r Llys
- a oes materion ehangach yn gysylltiedig ag MSM y dylai'r ASB, neu'r llywodraeth ehangach, fod yn ceisio mynd i'r afael â nhw, a pham

Pecyn ymgynghori

Mae'r pecyn ymgynghori hwn yn darparu'r wybodaeth gefndirol a'r manylion y bydd angen i chi eu gwybod er mwyn ymateb i'r cwestiynau yn yr ymgynghoriad hwn.

[Ymgynghoriad ar y canllawiau ar gig wedi'i wahanu'n fecanyddol \(MSM\)](#) (Fersiwn hygyrch)

Canllawiau drafft

[Diffiniad MSM a'r goblygiadau ar gyfer gweithredwyr busnesau bwyd \(Saesneg yn unig – fersiwn hygyrch\)](#)

Sut i ymateb

Mae angen i ymatebion ddod i law erbyn 22 Mai 2024. Yn eich ymateb, nodwch a ydych chi'n ymateb fel unigolyn preifat neu ar ran sefydliad neu gwmni, gan gynnwys manylion unrhyw randdeiliaid y mae eich sefydliad yn eu cynrychioli.

Dylech ymateb i'r ymgynghoriad gan ddefnyddio'r [arolwg ar-lein \(Arolwg Ymgynghoriad MSM \(surveymonkey.com\)\)](#). Gellir hefyd anfon adborth dros e-bost i meathygiene@food.gov.uk.

Cyhoeddi crynodeb o'r ymatebion

Y bwriad yw cyhoeddi crynodeb o'r ymatebion ar y dudalen hon o fewn tri mis i ddiwedd yr ymgynghoriad. Gallwch ddod o hyd i wybodaeth am sut yr ydym yn trin data a ddarperir mewn ymateb i ymgynghoriadau yn ein [hysbysiad preifatrwydd am ymgynghoriadau](#).

Mwy o wybodaeth

Mae'r ymgynghoriad hwn wedi'i baratoi yn unol ag [egwyddorion ymgynghori llywodraeth y DU](#). Os oes Asesiad Effaith wedi'i lunio, bydd wedi'i gynnwys yn y dogfennau ymgynghori. Os na ddarparwyd Asesiad Effaith, nodir y rheswm dros hynny y ddogfen ymgynghori.